


ঐতিহাসিক দৃষ্টি

বিস্মৃতিয়া মণিপুরী



লেখক :- গৌর কিশোর জিৎহ



স্বামী জগদীশ্বর শ্রী -

স্বামী জগদীশ্বর শ্রী -

উৎসর্গ

মোর বাবা সূর্য্যকান্ত শিংহর নিঃশিঙে ।

(চলমান)

গ্রন্থসত্ত্ব - শ୍ରী গৌর কিশোর জিৎহ

আশ্রম রোড, শিলচর-৭৮৮০০৭

পম্পলা প্রকাশ-২রা নভেম্বর, ১৯৯৭ ইংরেজী

(ত্র্যাহুদ্বিতীয়া)

শ্রীশ্রী ভুবনেশ্বর জাধুঠাকুরৰ আবিৰ্ভাব তিথি ।

সংখ্যা - ৩০০ কপি।

মুদ্রণে - দি চৌধুরী প্রিন্টার্স
তারাপুর, শিলচর-৩।

বিনিময় - ২০ টাকা মাত্ৰ

প্রাপ্তি স্থান - ১) গৌর কিশোর জিৎহ

আশ্রম রোড, শিলচর-৭৮৮০০৭

২) নিশিকান্ত জিৎহ

বিরেকানন্দ রোড, লেন নং-২৪

শিলচর-৭৮৮০০৭

প্রকাশনায় -

বিষ্ণুপ্রিয়া মণিপুরী সাহিত্য সভা

শিলচর।

ভূমিকা

বিষ্ণুপ্রিয়া মণিপুরী শব্দগর গজে মৈতৈর প্রচণ্ড আপত্তি । বিষ্ণুপ্রিয়া মণিপুরী কিনা অথবা বিষ্ণুপ্রিয়া বুলিয়া কোন জনগোষ্ঠী আছি কিনা বারো তালু মণিপুরী কিনা ঐতিহাসিক তথ্যই কিহান মাতের উহানেই বই এহানর মূল আলোচ্য বিষয়হান । বিষ্ণুপ্রিয়া মণিপুরী জনগোষ্ঠীর ভিতরে মণিপুরী প্রথার সাত সালেইর (Seven clans) হাবি সালেই বর্তমান । মদগল্য গোত্রীয় খুমল, আত্রেয় বারো অদ্বিরস্ত গোত্রীয় নৈরাং, ভরদ্বাজ বারো কাশ্যপ গোত্রীয় আগোম, বশিষ্ট গোত্রীয় লুয়াং, শাণ্ডিল্য গোত্রীয় নিংখোজা । ভরদ্বাজ গোত্রীয় চিংলেই বারো গোঁতম গোত্রীয় কাবা ডাঙবা । এতার গজে ব্যাঘ্র গোত্রীয় বহুলকেই ভুক্ত বিরাট জনসংখ্যাআহানও আছি । মৈতৈয়ে নিজরে শাণ্ডিল্য গোত্রীয় নিংখোজা বুলিয়া পরিচিত করিয়া মণিপুরী জাতি-ভুক্ত বুলতারা । মৈতৈ জনগোষ্ঠী আকহান, কিছু বিষ্ণুপ্রিয়া মণিপুরী জনগোষ্ঠী হাবিহানি সালেই — । গতিকে মণিপুরীর সাত সালেই বারো ব্যাঘ্র গোত্রীয় সহ বৃহৎ জনগোষ্ঠী হাবিরে মৈতৈ বুলিল গোষ্ঠীআহানে মণিপুরী নাগোয় বুলিয়া ছনিয়ার মুণ্ডে তুলিয়া ধরানির প্রচেষ্টা করতেগা মণিপুরী জাতির সাত সালেই কাড়লেয়া বিষ্ণুপ্রিয়া বুলিয়া গোষ্ঠী আহান তালু হওকরেছি । রাজশক্তির প্রভাবলো বিষ্ণুপ্রিয়া মণিপুরী ভাষাভাষী মালুরে বিষ্ণুপ্রিয়া বুলিয়া আখা দেনার চেড়া করেছি । প্রকৃতপক্ষে বিষ্ণুপ্রিয়া বুলিয়া বিশেষ কোন জনগোষ্ঠী নেই । বিষ্ণুভক্ত অথাৎ বিষ্ণুপ্রিয়া (পুংলিঙ্গ) গোড়ীয় বৈষ্ণব রীতি মতে কৃষ্ণবাদে হাবিহানেই গোপী অর্থে ঙ্গিলিঙ্গে বিষ্ণুপ্রিয়া । ১৮শ শতাব্দীর মাঝামাঝি শান্তদাস বাবাজীরাংত দীক্ষা গ্রহণে আপত্তিকারী মণিপুরর বিষ্ণুভক্ত সংখ্যাগুরু জনগোষ্ঠী মৈতৈরাংতো নিজরে আলাদা করিয়া পরিচিত করতেগা বিষ্ণুভক্ত মণিপুরী বা বিষ্ণুপ্রিয়া মণিপুরী বুলিয়া নিজর পরিচিতি লেপকরেছিল । অনেক গিরিগিথানীয়ে বিষ্ণুপ্রিয়া এগোরে বিষ্ণুপুরিয়া বুলিয়া ব্যবহার করতারা । বিষ্ণুপুরিয়া মানে বিষ্ণুপুরর বাসিন্দা । মণিপুরর ভিতরে বিষ্ণুপুর এমন কোন প্রসিদ্ধ বা বৃহৎ রাজ্য আহান নাগোয় যে বিষ্ণুপুরর বাসিন্দারে আলাদাভাবে বিষ্ণুপুরিয়া বুলিয়া পরিচিত করানির কোন প্রয়োজন আছিল । উহান অইলেতে মণিপুরর ভিতরে আরাকউ যে রাজ্য কতহান আছিল অউ রাজ্যউতার বাসিন্দারে থেই থেই করিয়া কিয়া নাও নাদলাতা ?

গতিকে বিষ্ণুপ্রিয়া বা বিষ্ণুপুরিয়া বুলিয়া কোন জনগোষ্ঠী নেই ।
অনেক মৈতৈ ঐতিহাসিকে বিষ্ণুপ্রিয়া বুলিয়া জনগোষ্ঠী আহান আলাদা করিয়া
দেহরানীর চেষ্টা করেছি উহান সম্পূর্ণ ভুল ।

পামহৈবা বা গরীবজ্রাজর সময়ে শাস্তদান বাবাজীর প্রভাবে মনিপুরীর
ভিতরে — যে সামাজিক পরিবর্তন আহান আছেছিল ও পরিবর্তনের চাপে বিষ্ণুভক্ত
মনিপুরী নিজর অস্তিত্ব রক্ষা করানির তাগিদে নিজরে বিষ্ণুপ্রিয়া মনিপুরি বারো
মৈতৈয়ে মৈতৈ মনিপুরী বুলিয়া পরিচিত কবেছিল । মৈতৈ জনগোষ্ঠী আহান ।
কিন্তু হংসর বিষয়হান বিষ্ণুপ্রিয়া মনিপুরী জনগোষ্ঠীর বহুমানু খুমেল, মৈরাং,
আঙোম, লুয়াং, নৈংখোজা, ব্যাঙ্গগোত্রীয় মানু কাবাঙাঙবা ছিলেই গোষ্ঠীর মানু
মৈতৈ জনগোষ্ঠীর লগে মানয়া নিজরে মৈতৈ বুলিয়া পরিচয় দিলেই তান্না
গোত্র, লকেই, সাকেই এাকাউ বিষ্ণুপ্রিয়া মনিপুরীর বিভিন্ন গোষ্ঠীর লগে এক
অয়াই আছে ।

মৈতৈ বুলিয়া পরিচিত বিভিন্ন গোত্রভুক্ত মালৈই জনগোষ্ঠীর আচার
আচরণ ধর্মীয় রীতিনীতি, সামাজিক ব্যবস্থা এাকাউ প্রমাণ করে যে তান্ন
বিষ্ণুভক্ত, মনিপুরী, বা বিষ্ণুপ্রিয়া মনিপুরী জাগোষ্ঠীর অন্তর্ভুক্ত । কারণ, যত
পিতৃকর্ম, মলচরা আদি ক্রিয়াকর্ম এাকাঙোউ গোষ্ঠীর বৈষ্ণব ধর্ম বেনার
আগোচার বৈদিক রীতিনীতি মতে তান্নর ভিতরে প্রচলিত অয়া আছে তান্ন যদি
মৈতৈ অইলাইছতে বৈদিক রীতিনীতি মতে ক্রিয়াকর্মাদির পরিবর্তে কুকি চীনা
জাতির নিয়মে অউ শৈতনিক ক্রিয়া করাদি সম্পন্ন করলাইছ । তদা এ মৈতৈ
ভাষা টটরলেই মৈতৈ অনা হুরারতারা উহানর জাজনা প্রমাণ তান্নর ভিতরে
দেহিয়ার । খাটি মৈতৈ আগোর উচ্চারণর ভঙ্গি বারো মৈতৈভুক্ত বিঃ মঃ আগোর
উচ্চারণ ভঙ্গির ভিতরে বিরাট পার্থক্য । অর্থাৎ ভাষাভাষী মানু আগোর পক্ষে
শুধু ভাবেতিকোতো বার্মান (Tibeto Burman) ভাষা আহান উচ্চরণ কররানি
কোন মতেই সম্ভব নাগোই ।

মনিপুরী জাতর ভিতরে শাখা দ্বিহানির সম্পর্কে স্পষ্ট ধারণা আহান
সৃষ্টির উদ্দেশ্যেই 'বিষ্ণুপ্রিয়া মনিপুরী' বই এহানোর অস্তিত্বনা। মোর এ চেষ্টা
সফল আছে কিনা পাঠকরাং এরাবিলু ।

লৈইরিক এহান প্রকাশ কাতোগা শ্রীমিশি কান্ত সিংহ সিরকর পাঙলাক
পাহুরিলহান নাগোয় । তার লগে শিলচরর চৌধুরী প্রিন্টার এ লৈইরিক এহান
ছাপাদেনারকা ধন্যবাদ জানাউরা । ইতি —

শ্রীগৌরকিশোর সিংহ

আশ্রম রোড, শিলচর-৭

বিষ্ণুপ্রিয়া শব্দগৰ লগে মনিপুৰী শব্দএগ যোগ দেনাৰ যৌক্তি-
কতাৰ গজে প্রশ্ন তুলিয়া আজি যে তিক্ততা সৃষ্টি আছে উহানে মনিপুৰ
তথা আসাম, ত্ৰিপুৰা বাৰো দিল্লীৰ হাওয়াহান উত্তপ্ত কৰিয়া তুলেছে।
আৰু ঐ উত্তাপৰ জ্বি এগত পুড়িয়া নিশ্চিহ্ন অনাৰ পথে ক্ৰমশঃ ক্ৰমশঃ
অগ্ৰসৰ অয়া চলেছি বিষ্ণুপ্রিয়া মনিপুৰী জাতি তাৰ কৃষ্টি বাৰো
ভাষালে। আজিচাৰ এ অবহাত এ জাত এহান কিয়া বা কিসাদে
আয়' ফৌয়ইলাগা ইতিহাসৰ পটভূমিত বিচাৰ কৰিয়া চানাতক।

প্ৰবাদ আছে দেবাদিদেব মহাদেব পাৰ্বতীৰে নিয়া লীলা খেলা
কৰানিৰকা ভুবণে নিৰ্জন মনোৰম ফাম আহান বিছাৰতে বিছাৰতে
মনিপুৰে অয়া ফৌয়ইলাগা। মনিপুৰৰ নিৰ্জনতা, মনোৰম দৃশ্যাবলী
চাৰিবেদে টেঙায় বেড় দিয়া বুকগত সাগৰগ পাৰা লগতাক, এ ফাম
এহান তানুৰ লীলা খেলাৰ উপযুক্ত ফামহান নিঙকৰিয়া ত্ৰিশূলগল
লগতাকৰ পানিত জাবাত কৰিয়া চাৰিবেদে ভৰকাং ভৰকাং চলশোত
সৃষ্টি অনায় লগতাকৰ চাৰিবেদে অতি হোতা সমতল ভূখণ্ড আহান সৃষ্টি
আছিল। আৰু ঐ ভূখণ্ড উহানাত মহাদেব পাৰ্বতীৰে নিয়া লীলা-
খেলা কৰেছিল। নাগৰাজ অনন্তৰ তাৰ সহস্ৰ মণিল ঐ ফাম উহানৰে
ইঙাল ঙাল কৰিয়া তুলেদেছিল বুলিয়া ফাম উহানৰ নাঙহান মনিপুৰ
আছিল।

বৈদিক ৰীতিমতে যন্ত দ্বৌ-দ্বৌলিশিঙৰ মা দেবাদিদেব মহাদেব
আদি দেবতা। তাৰ পিছে ইন্দ্ৰ, ব্ৰহ্মা, বিষ্ণু, অগ্নি, বৰুণ আদি।
উহানেতে মনিপুৰ মহাদেবৰ লীলাভূমি হিসাবে মনিপুৰৰ প্ৰাচীনত্ব
বাৰো বসবাসকাৰী মনিপুৰৰ তদানন্তন কালৰ মানুহৰ ধৰ্মবিশ্বাসৰ
পৰিচয় পেয়াৰ। মনিপুৰে অতি প্ৰাচীনকালৰ শিবমন্দিৰ এহানারে
প্ৰমাণ কৰেৰ।

বৈদিক মতে মহাদেবৰ পিছে ইন্দ্ৰ মনিপুৰে সৱাৰেল ব্ৰহ্মা, বিষ্ণু,
অগ্নি বাণ হাবি দ্বৌ-দ্বৌলিশিঃ প্ৰাগ-ঐতিহাসিক যুগেও পূজিত অয়া
আহে'ছ বিষ্ণু অতি প্ৰাচীন কালেত বিষ্ণুপুৰে প্ৰতিষ্ঠিত আছিল।
স্বৰ্গীয় মহেন্দ্ৰ কুমাৰ সিংহৰ মতে পঞ্চপাণ্ডবৰ স্বৰ্গাৰোহনৰ প্ৰাগকালে
মনিপুৰ ৰাজ বজ্ৰবাহন হস্তিনাপুৰেত বিষ্ণু মূৰ্ত্তি বাৰো ব্ৰাহ্মণ দল

আহান মনিপুৰে আনিয়া বিষ্ণুপুৰে বিষ্ণুমূৰ্ত্তি প্ৰতিষ্ঠা কৰেছিল।
 উহান আজিকালিকার অনেক ঐতিহাসিকে খণ্ডন কৰানীৰ চেষ্টা কৰিয়া
মহাৰাজ কিয়াম্বাৰ (চিন্তামনি) পনৰশ শতাব্দিত পণ্ডুৰাজ্যৰ বন্ধুত্বৰ
উপহাৰ স্বৰূপ পেয়া বিষ্ণুপুৰে প্ৰতিষ্ঠা কৰেছিল বুলিয়া মাতানিৰ অপ-
চেষ্টা কৰেছি। শ্ৰী এল, ইবোঙে হল সিং তাৰ Introduction to
 Manipur লেৰিকহানৰ ৩১ পৃষ্ঠাত মাতেছে যে 'From the stories
 related by pandits it is certain that this vishnu image
 had been in Manipur as the family God of the ruling
 prince from prehistoric days. The king of pong the
 flourishing state in upper Burmah took it away as the
 war trophy when he conquered Manipur he used it as
 an instrument for scratching the itches to insult the
 Manipuris but the itches became ulcer. In the reign
 of khikhomba, king of pong and kyanba (chintamoni)
 king of Manipur became friends so he returned the
 vishnu image.' বিষ্ণুৰ পিছে মনিপুৰে আহাছে কৃষ্ণ। শ্ৰী এল
 ইবোঙে হল সিং গিৰকে Introduction to Mampur লেৰিকহানাত
 ৩২ পৃষ্ঠাত মাতেছে "In 1693 chorairongba (পৌতাম্বাৰ সিং) was
 inclined to the Madhavacharya sect of vaishnavism,
 so he began to worship the Radha Krishna image."

তাৰ পিছে শাস্ত্ৰদাস বাবাজীৰ মাধ্যমে পামহৈবাৰ সময় রামাউতী
 ধৰ্ম বাৰো মহাৰাজ ভাগ্যচন্দ্ৰৰ সময় গৌড়ীয় বৈষ্ণৱ ধৰ্ম মণিপুৰে
 প্ৰচাৰ আছিল।

এতা এতা ধৰ্মবিগ্ৰাসৰ মতে এহান মাতানি যাকৰেৰ যে প্ৰাগ
 ঐতিহাসিক যুগেত মণিপুৰে বসবাসকাৰী মানুহৰ ধৰ্মবিশ্বাস বাৰো। তানুৰ
 দ্বৌ-দ্বৌলিশিংৰ পূজাপাৰ্বন, ভজনৰ ধাৰাগ বেদৰ অনুশাসনৰ ভিতৰে
 সীমাবদ্ধ আছিল। উহান প্ৰাচীন কালেত মণিপুৰৰ মানুহ বৈদিক বা
 সনাতন ধৰ্মাবলম্বী আছিল।

তা অইলে বেদশাসিত রীতিনীতি অবলম্বন কৰিয়া বিভিন্ন বৈদিক

দেবদেবীর পূজা করিয়া অতি প্রাচীন কালেই মনিপুরে বসবাস করিয়া
 আহেছি মনিপুরী উতা কোংতা ? তানুর আচার আচরণ, কৃষ্টি, ভাষা,
 বারো বংশ পরিচয় কোংহান ? প্রচলিত সামাজিক রীতিনীতি বারো
 ঐতিহাসিক নিদর্শনর মতে মনিপুরী জাতি বুলতে হারপেয়ারতায়
 কতহান গোষ্ঠীর সমষ্টিগত বা একত্ৰিভূত নাঙহান মনিপুরী । মৈতৈর
 মতে এহানর নাঙ সাংলেই । এসাদে সাতহান সাংলেই বা গোষ্ঠীয়ে
তিলয়া মনিপুরী । যেমন—খুমেল, মৈরাং, আঙোম, লোয়াং, নিংথোজা,
 কাবাঙাঙবা বারো চিংলেই । এ সাতহান গোষ্ঠীর নাঙর ভিতরে মৈতৈ
 বা বিষ্ণুপ্রিয়া শব্দ দ্বয়গীর কোন উল্লেখ নেই উহান লক্ষণীয় বিষয়হান ।
 এ সাতহান গোষ্ঠীর কৃষ্টি উহান মনিপুরী কৃষ্টি বারো সাতহান গোষ্ঠীর
 ভাষা উহান মনিপুরী ভাষা । আদিকালেই মনিপুরে চলিয়া আহেছে
 দেবদেবীর পূজা, ধর্মবিশ্বাস, কৃষ্টি বারো ভাষা এতारे যদি মনিপুরী
 জাতির ঐতিহাসিক তথ্য হিসাবে ধরিয়ান তা-অইলে মৈতৈ বারো
 বিষ্ণুপ্রিয়া যেহানে নাকি বর্তমানর চির্যোপা বিষয়হান আছে, মনিপুরী
 জাতির ভিতরে তানুর অবস্থান কুৎসেইত উহান অনুসন্ধান করিয়া
 চেইক্ ।

পয়লা মৈতৈর কথা ল অক্ষরিক-মৈতৈয়ে মাততারা তানু নাকি
 নিংথোজা । নিংথোজার পয়লা রাজাগ পাখাংবা । পাখাংবাই নাকি
 তানুর আদি পুরুগ । পাখাংবা অর্থে যেগয় বাবারে জানে । তার
 মূল নাঙহান 'যবিষ্ট' । R. K. Jhalajit singh তার A short
 History of Manipur লেখিকহানর ৩৯ পৃষ্ঠাত মাতেছে "we do
 not know from what part of India or Burma he
 (pakhamba) came to Manipur this much is certain that
 he came to Manipur along the course of the river lilwai
 via the end of Hanching hill. Shri Mairangthem chandra
 singh identifies the Lilwai as the Iril river." তার লেখা
 A short History of Manipur ৪০ পৃষ্ঠাত মাতেছে—"we
 shall not be surprised therefore, if it can be definitely

proved in some future time that Pakhamba was some Aryan prince who roamed in the Indo-Burmah Border in searce of fortune and regal power and that the four coins (discovered by W Yungao singh in 1935, made of bronze dated 107 AD bearing incscription in sanskrit in Devnagri scriyots) mentioned afove were shrcek by him during his reign," তার গোত্রগ শাঙিলা । পাখাংবা খুমেল মৈরাং আঙোমর পিছে মণিপুৰে আহেছে তবে লোয়াংর লগে সময়াময়িকগ ৩৩ খ্রীঃ নিংখোজার সিংহাসনে পাখাংবা বহে ছিল । তারান্ত অকরিয়া তার পুতক খুয়াই তম্পক মূল নাঙহান ক্ষেম-চন্দ্র, তার পুতক তাতপিংমাঙ মূল নাঙহান জলাগতা, তার পুতক খুংমং নংব মূল নাঙহান খগদ্বীপ, তার পুতক পেংশিবা মূল নাঙহান পুন্যক্ষেম, তার পুতক কাউখাংবা মূলনাঙ একাদর । পাখাংবারান্ত অকরিয়া তার বংশত ছয়গ রাজাই বৃদ্ধ বয়সে জিপুতর আতে সিংহাসহান দিয়া বানপ্রস্থ অবলম্বন করেছি । যে তারকা ইতিহাসে তানুর মৃত্যুর কোন তারিখ বা সনর উল্লেখ নেই । বানপ্রস্থ অবলম্বন করানার রীতিএহান একমাত্র বৈদিক রীতির অঙ্গ আহান । এতা এতা নিদর্শনেত্ন মাতানী যাকরের যে মৈতৈরে মাততারা কথা উহান ঠিক নাগর । কারণ মৈতৈ অইসাতার কুচী-চান বংশ বারো নিংখোজা অইলাতার আৰ্য্যবংশ । এসদে বারো বিষ্ণুপ্রিয়া মতে বিষ্ণুপ্রিয়া বুলিয়া কোন গোষ্ঠী নেই । যে সাতহান গোষ্ঠী তিলয়া মণিপুৰী ও সাংহন গোষ্ঠীর পাঁচহান গোষ্ঠীর সমষ্টিগত বা একত্রিত নাঙহান বিষ্ণুপ্রিয়া যেমন-খুমেল, মৈরাং, আঙোম, লুয়াং বারো মাঙাঙ মানে নিংখোজা । তার পিছেদে মণিপুৰে আহেছি তাই কৈরেংখুলাবপা গোষ্ঠী নেতৃত্ব দেছে তাই ধনপতি রাজকুমার । লক্ষনীয় বিষয়হান মণিপুৰে ভিতরে সাতহান গোষ্ঠীর পয়সাংকার পাঁচহান গোষ্ঠীর একত্রিভূত নাঙহান বিষ্ণুপ্রিয়া । এসাদে নামকরণর পিছে ঐতিহাসিক কারণ কিহান আছে ওহান অনুসন্ধান করিয়া চেইক ।

এ অনুসন্ধান এহান করতে গেলেগাই মণিপুৰর ভৌগলিক অবস্থান ঐতিহাসিক গুরুত্ব, মানুহ ধর্ম, কৃষ্টি, ভাষা, সামাজিক রীতিনীতির গজে

আলোচনা করানি থক । মণিপুরৰ কাল নিৰ্ণয় করানিও থক । শ্রীউপেন্দ্র নাথ গুহৰ কাছাড়ের ইতিবৃত্ত মতে “মণিপুর উপত্যকায় প্রাচীনকালে একটি বিস্তীর্ণ জলাভূমি ছিল । পার্বত্য নদী সমূহের আনিত পলি মাটির দ্বারা ক্রমে জলাভূমি ভরাট হইতে থাকে । কাল-ক্রমে এই ভূভাগে ৫টি দ্বীপের উৎপত্তি হয় । অতি প্রাচীনকালে কামৰূপ, কাছাড় ও ত্রিপুরা হইতে মণিপুর ও ব্রহ্মদেশ পর্য্যন্ত একটি বিশাল আৰ্যোপনিবেশে পরিণত হইয়াছিল ।”

মণিপুরৰ মানুহৰ ধৰ্মবিশ্বাস সম্বন্ধে ধাৰাবাহিক বিবৰণ আহান আগেই দেনা আছে । ঔ বিবৰণ মতে মণিপুরৰ মানুহৰ ধৰ্মহান সনাতন ধৰ্ম । যে কোন জাতৰ কুঠি গড়িয়া উঠেৰ তানুৰ ধৰ্মবিশ্বাসৰ মতে বেদৰ পরিসীমার ভিতরে সীমাবদ্ধ । ভাষাহানও বেদভাষার ভিতরৰ গণ্ডীগত অইতয় । কারণ ধৰ্ম, কৃষ্টি বারো ভাষা আহানে আহানৰ পরিপূৰক হিসাবে একই সূত্রে বাঁধা থাইতে বাধ্য । ধৰ্ম, কৃষ্টি বারো ভাষা যদি মণিপুরৰ মানুহৰতা বেদশাসিত পরিসীমা আগৰ ভিতরে থাৰ তাইলে মণিপুরী জাতিৰ গোষ্ঠী সম্বন্ধে ইতিহাসিক তথ্যৰ আলোচনাৰ প্রয়োজন । তবে ভারতৰ উত্তৰ পূৰ্ব প্রান্তে আছে মণিপুরৰ মা কিসাদে বেদশাসিত ধৰ্ম কৃষ্টি বারো ভাষা আহিল এহান গবেষণাৰ বিষয় বস্তু হান । তথাপি এহানারতা কতহান কারণ অনুমান করানি যাকরের ।

—যেমন —

- ১) প্রাগ-ঐতিহাসিক যুগেত আহি মানুউতা বেদ ধৰ্মী আছিল।
- ২) পিছে পিছে মণিপুৰে হমাছি মানুউতা বেদধৰ্মী আছিল।
- ৩) কোন ধৰ্মযাজক মণিপুৰে গিয়া মণিপুৰৰ মানুৰে বেদ ধৰ্মে দীক্ষা দেছিলগা।

এবাকা চেইক এ তিনহান প্রশ্নৰ উত্তৰ পুরানে, ইতিহাসে তথা মহাকাব্যে বা সামাজিক অনুশাসনৰ রীতিনীতিয়ে কিহান মাতেৰ ।

মহাকাব্য মহাভারতে ব্যাসদেবের মতে মণিপুর গান্ধৰ্ব রাজ চিত্রবাহনৰ রাজ্য । উহান অইলে মণিপুরৰ মানু গান্ধৰ্ব আছিল।

গন্ধৰ্বৰ আৰাধ্য দ্বৌগ আছিল দেবাদিদেব : মহাদেব । চিত্ৰবাহনৰ
পিছে তাৰ জিলক চিত্ৰাঙ্গদা ও তয় পাণ্ডব অৰ্জুনৰ পুতক বভ্ৰবাহন
ৰাজাগ আছিল । বভ্ৰবাহনেই হস্তিনাপুৰেত বিষ্ণুমূৰ্ত্তিগ আনিয়া মণিপুৰে
যেপেইত প্ৰতিষ্ঠা কৰেছিল ও ফাম উহানৰ নাঙ বিষ্ণুৰ নামানুসাৰে
বিষ্ণুপুৰ আছিল । বিষ্ণুৰ নিয়মিত পূৰ্জাঅৰ্চনা কৰানিৰকা ত্ৰাঙ্গণ
কতগও আনেছিল । এহানেই মণিপুৰ সন্ধকে পয়লাকাৰ ঐতিহাসিক
নিদৰ্শন হান । অবশ্য ৰামায়ণে মণিপুৰৰ নাঙহান উদয়গিৰি বুলিয়া
উল্লেখ আছে ।

আজিকালি বহু গিৰিগিৰানীয়ে বৰ্ত্তমান মণিপুৰে মহাভাৰতৰ
মণিপুৰ নাগয় বুলিয়া প্ৰতিপন্ন কৰানিৰ চেষ্টা কৰেছ । কাৰো কাৰো
মতে মহাভাৰত এহান মহাকাব্যহান এহানৰ ঐতিহাসিক মূল্য নেই ।
বাৰো কোন কোনগয় মহাভাৰতৰ মণিপুৰ কলিঙ্গৰ মনফুৰ বন্দৰ বা
দাক্ষিণাত্য গঞ্জাম জিলাত । তানুৰ মতামত এতা সন্ধকে আলোচনা
আহান কৰানি থক । মহাভাৰতে ব্যাসদেবৰ মতে ওয় পাণ্ডব অৰ্জুন
যেবাকা বাৰো বহু বনবাসৰকা হস্তিনাপুৰ ত্যাগ কৰল উপেইত তাৰ
পতিপথগ সন্ধকে ব্যাসদেব গিৰকে মাতেছে - ওয় পাণ্ডব অৰ্জুন
হস্তিনাপুৰেত উত্তৰেদে গিয়া হিমালয়ৰ পাদদেশ ইলয়া পূৰ্বদিকে
অঙ্গদেশ পৰ্য্যন্ত গিয়া দক্ষিণেদে বুলন্দেছে ।

“অঙ্গ বঙ্গ কলিঙ্গ যানি তীৰ্থানি কানিচিৎ ।

জগাম তানি সৰ্ব্বানি পূৰ্ণান্যায় তনানি চ ॥ ৯

দৃষ্টা চ বিধিৎ তানি ধনঞ্চাপি দদৌ ততঃ ।

কলিঙ্গৰাষ্ট্ৰদ্বাৰেষু ত্ৰাঙ্গণাঃ পাণ্ডবানুগাঃ ।

অথানুজ্ঞায় কোন্ত্যমুপাৰ্বতন্ত ভারত ॥ ১০

স তু তৈৰতানুজ্ঞাতঃ কুন্তীপুত্ৰা ধনঞ্জয় ।

সহায়ৈৰম্পকৈ শূৰঃ প্ৰথযৌ যত্ৰ সাগৰ ॥ ১১

স কলিঙ্গানতিক্ৰম্য দেশানায় তনানি চ ।

হুগ্মানি রমনীয়ানি শ্রেক্ষমানো যযৌ প্রভুঃ ॥ ১২

মহেন্দ্র পর্বতং দৃষ্টা তাপসৈরুপ শোভিতম ।

সমুদ্রতীরেণ শনৈর্মনিপুরং জগাম ॥ ১৩

ব্যাসদেবর এ শ্লোক এহানীরে বিশ্লেষণ করলে পেয়ার যে অর্জুন মহেন্দ্র পর্বত অতিক্রম নাকরেছে । গতিকে সঞ্জাম জিলাত দাক্ষিণাত্যে থানা নার । বারো কলিঙ্গ অতিক্রম করিয়াই সমুদ্রতীরে ফৌয়য়াই মণিপুর নাপাছে । সমুদ্রতীরে ফৌয়য়া তীরে তীরে যিতেগা যিতেগা (শনৈঃ শব্দগল দূরেইর ফামহান লেপকরে দেছে) মণিপুরে গেছেগা । গতিকে কলিঙ্গর সামুদ্রিক বন্দর মনকুর ও নাগয় । বর্তমানর ভৌগলিক অবস্থানল বিচার করলে ভুল অইতয় । মহাভারতর কালে পূর্ববঙ্গ, শ্রীহট্ট প্রায় সমুদ্র আহিল । গতিকে সমুদ্রর তীরে তীরে আয়া বর্তমান কাহাড় অয়া মণিপুরে গেছেগা । জাননির মহাভারত মতেও তয় পাওব অর্জুন অশ্বমেধ জজ্ঞর বাড়াগল বৃক্ষ রাক্ষসর দেশ লালয়া মণিপুরে ইমাছে ।

এ বৃক্ষ রাক্ষসর দেশ নাগাপাহাড় । ডাঙর গাছর ভিতরগ ফাপা থানায় ও দেশর মানু খববাড়ী হংকরানী নাজানির ও ডাঙর ডাঙর গাছ ও তার ভিতরে থাইলা । বারো শত্রু দেখলে গাছ ও তার ভিতরেই নিকুলিয়া আয়া আক্রমণ করসাগা বারো নুয়ারলে দাবদিয়া গিয়া গাছঝাড়র ভিতরে হমেইলাগা । উহানে তানুরে বৃক্ষ রাক্ষস নাঙ দেনা অছে । দেশউহানরেও বৃক্ষ রাক্ষসর দেশ বুলিয়া উল্লেখ করানি অছে । গতিকে মহাভারতর মণিপুরই বর্তমান মণিপুর ।

দ্বিতীয়তঃ মহাকাব্যর ঐতিহাসিক মূল্য নেই বুলিল কথা উহানর কোন মানে নেই । কোন কাল্পনিক কাহিনীত বাস্তবর বাহিরে অন্য নুয়ারের । মহাভারতে উল্লেখিত যত রাজ্য, যত গতিপথ, যত বংশ নদনদী সাগর, টেঙারার বিবরণ, সামাজিক রীতিনীতি, যুদ্ধবিগ্রহ, ধর্মবিশ্বাস কোনহানাও মিথ্যা নাগয় । ব্যাসদেবর ও পরবর্তী কালরগ নাগয়; সমসাময়িকগ । উহান বুঝেইতে তার মালক মৎস্যকৃত্য সত্য-

বতী যোগ পরবর্তীকালে শাস্ত্রনু রাজার রাজমহিষী অছিলি। ব্যাস-
দেবের যদি সত্য বুলিয়া ধরিলার তাইলে মহাভারতর কাহিনী তথা
ভৌগলিক বিবরণও রাজা রাজেশ্বরর বিবরণও সত্য, মিথ্যা নাগর
গতিকে কবির কল্পনা সব সময়ই বাস্তব বাদী।

ঐতিহাসিক দৃষ্টিভঙ্গীল বিচার করলেও পেয়ার যে প্রাচীনকালে
ভারতর লগে পূর্বদেশর যাতায়াতর একমাত্র উপায় আছিল স্থলপথ।
রামায়ণ মহাভারত বা পুরানে কোন নৌপথর উল্লেখ নেই। গতিকে
ভারতেতদপূর্বদেশে যিতেগা অইলে একমাত্র মণিপুর ভারতর দ্বোয়ার
স্বরূপ আছিল। প্রাগ ঐতিহাসিক যুগেত্ব অকরিয়া কালে কালে বহু
রাজা বহু ব্যবসায়িক, বহু ধর্মযজাক ভারতেত্ব মণিপুর অয়া ব্রহ্মদেশ.
চীনে গেছিগা। ব্রহ্মদেশে হিন্দু রাজত্ব, চীন ও ব্রহ্মদেশে বৌদ্ধধর্মর
বিস্তার মণিপুরর ভিতরেদে গিয়াই অছেতা। বহু ব্যবসায়িক চীন
ব্রহ্মদেশেত্ব মণিপুর অয়া ভারত তথা আফগানীস্থান ইউরোপে
গেছিগা। তাই বা থাই জাতি ইউনানেত্ব মণিপুর বারে আসামে এ
পথ এগল আহেছি। পরবর্তী কালেও এ পথ এগল ব্রহ্মদেশ মণিপুর
আসাম আক্রমণ করেছিল। যে আক্রমণর ফলস্বরূপ আসাম ত্রিপুরা
বাংলাদেশে মৈতৈ বিষ্ণুপ্রিয়া অর্থাৎ মণিপুরী দাবদিয়া আহেছি।
উহানে ভৌগলিক দিকেত্ব এ পথ এগর গুরুত্ব অদীম।

মহাভারতর করুক্ষেত্রর যুদ্ধর পিছে ভারতর ইতিহাসে নীরব
(Blind) যুগ আহান আছে। তার পরবর্তীকালে ভরতবর্ষে অসংখ্য
হরকাং হরকাং রাজ্য বিভিন্ন রাজবংশই শাসন করেছিল। ওতার পিছে
সারা ভারতবর্ষে যোলহান মহাজনপদ অর্থাৎ যোলগ রাজাই ক্ষমতা-
শালী অয়া উঠেছিল। ও যোলগ রাজা তানুর পার্শ্ববর্তী হরকাং
হরকাং রাজ্যওতা দখল করিয়া নিজর নিজর রাজ্য বিস্তার করেছিল।
উত্তর ভারতেও কাশী, কোশলও ক্ষমতাশালী অয়া উঠেছিল। তানুর
প্রভাবে উত্তর ভারতে বিশেষ করিয়া উত্তর ভারত বারো পূর্ব ভারত বহু
হরকাং রাজ্য দেশত্যাগ করিয়া দাবদেছিল। বৌদ্ধযুগেও বৌদ্ধধর্মর

প্রভাবে বাল্মীকি ধর্ম ভারতে লুপ্ত অনার পণগত বহু রাজ ধর্মরক্ষার
 তাগিদে দাবদিয়া নিরাপদ অশ্রয়ে গেলিলাগা। রাজনৈতিক কারনে
 দাবদেহিলা রাজাউতার অশ অহান পূর্বদিকে যিতেগা যিতেগা চারি-
 বেদে টিঙারায় বেড় দেছে বুকগত সাগরগপারা লকতাকর পারর
 সমতলভূমি নিজর বাসপোযোগী নিঙকরিয়া স্থায়ী বসবাসর ব্যবস্থা
 করেছিল। বা রাজ্য স্থাপন করেছিল। শ্রীএল, ইবোডোহল সিং
 তার Introduction to Manipur লেইরিকহানার ১১ পৃষ্ঠাত মাতেছে

“ The poireiton of the last group was called Mahadeva by the Mythology and his followers were called other gods and goddesses. Thus Manipur became a large Aryan colony. The present Manipuris are the descendants of those new comers who came under the leadership of these poireitons and Mahadeva and the original inhabitants. They are all mixed up and formed this Manipuri community. ”

Col. Girimi এ তার Platemy's Geography লেইরিকহানাত
 মাতেছে “ According to the Burmese Royal chronicles
 (Maharajavamsa) Dhajaraja, a king of sakya race
settled at Manipur about 550 B C, and later on conqu-
ered old or upper pagan ”

Phayre তার History of Burma মাতের যে “ The
 route by which the kshatriya Princes arrived, is indi-
 cated in the tradition, as being through Manipur
 which lies within the basin of the Irawady. The
 northern part of the kaboo valley which is the direct
 route from Manipur towards Burma, is still called
Mauria, and said to be the name of the tribe to which
king Ashoka belonged. ”

Captain Dun তার Gazetteer of Manipur এ মাতেছে

“there can be no reasonable doubt that a great Aryan wave of very pure blood passed through Manipur into Burmah in pre historic times. I see traces of this in the finely cut features seen now and then among the Manipuris.”

ধর্মবিধান, দেবদেবীর পূজা, সামাজিক রীতিনীতি প্রমাণ করের যে প্রাগ ঐতিহাসিক যুগের অতি প্রাচীন কালে আৰ্য্যবংশ, আৰ্য্যদণ্ডতা মনিপুরে হমাহিল। আজিও মনিপুরীৰ ভিতৰে চতুৰ্বৰ্ণৰ স্থলে দুহান বৰ্ণ, ব্রাহ্মণ বারো ক্ষত্ৰিয় তার জাৰ্জল্য প্রমাণ স্বৰূপ আছে। মনিপুরীৰ ভিতৰে বৈশ্য বারো শূদ্র নেই। অর্থাৎ বৈদিক মতে চতুৰ্বৰ্ণ সৃষ্টিৰ আগেই আৰ্য্যদণ্ডতা, আৰ্য্যবংশ মনিপুরী হমাছি। পরবর্তীকালে যাদও বহু ব্রাহ্মণ বিশেষ কারণে অসময়া বাঙালী হমাছি তানু মনিপুরৰ বৰ্ণ বিভাগৰ গজে কোন প্রভাব বেলা নুয়ারোছি।

Captain Dunn তার Gazetteer of Manipur এ মাতেছে

“The Hinduism of those remote time (মনিপুরে) was probably free from caste prejudices and very different from what it is now, but I think it is extremely probable that a tradition of it remained when the missionaries from Bengal arrived. These latter, for their own purpose, distorted the history of Manipur. The Burmes invasion put the finishing touch and killed off the old tradition.”

এতা এতাদ্ৰ এহান মাতানি পাৱয়াৰ যে মনিপুরে অতি প্রাচীন কালে বেদরত্ন পৌৰানিক যুগে ভারতেত্ৰ বহু রাজা বা আৰ্য্যবংশ হমাছিগা বাবে স্থায়ীভাবে বসবাস করেছিগা। মনিপুরে যানার পিছে মনিপুরে বিষ্ণুৰ প্রভাব তানুৰে আশ্বস্ত কৰোছিল। হাবিহানেই বিষ্ণুৰ উপাসক হিসাবে বিষ্ণুৰ অধীন আছিল। গতিকে যে মাতহান গোষ্ঠী মিসিয়া মনিপুরী জাতৰ সৃষ্টি (পরবর্তীকালে যত নুৰা গোষ্ঠী গেছিগা তানু মনিপুরীৰ ভিতৰে নিজৰ গোষ্ঠী পরিচয় মাঙ করিয়া

হমাছি অথবা নিজস্ব গোষ্ঠীর পরিচয় অইলেও মণিপুরী হিসাবে গৃহিত অইলেও মণিপুরীর সাতহান গোষ্ঠীর ভিতরে না বরাছি) ও সাতহানর পাঁচহান তথাকথিত আৰ্য্য বারো বিষ্ণুভক্ত বুলিয়া বিষ্ণুপ্রিয়া নামকরণ করেছি। মণিপুৰে তানুৰ আগমন একমাত্র নিংখোজাৰে লুয়াঙৰ বাহিৰে হাবিহানও ষ্টম্পূৰ্ব শতাব্দত হমাচিত। নিংখোজা বারো লুয়াঙও প্রথম শতাব্দিত মণিপুৰে হমাছি। পঞ্চ বিষ্ণুপ্রিয়াৰ পাঁচহান গোষ্ঠী প্রাগ ঐতিহাসিক যুগেই অকরিয়া প্রথম শতাব্দীর ভিতর এগত মণিপুৰে স্থায়ী বাসি দা আহিলা।

এ পাঁচহান গোষ্ঠী ভারতৰ কোন অংশত ও যুগে মণিপুৰে হমাছি তার ঐতিহাসিক কোন নিদর্শন বা সময় তারখ নেইরইলেও প্রাচীন ভারতৰ ইতিহাস বারো গোষ্ঠীর গোত্রগত পরিচয় বারো অন্যান্য রীতিনীতি অনুধাবন করলে অনেকহান অনুমান করানি যাকরের। এহানরে আমি কতভাগে ভাগ করে পারিয়ার।

১) যে গোষ্ঠীর যে গোত্র প্রাচীন ভারতে কোনদেশে ও গোত্রৰ প্রভাব আছিল

২) ও ও দেশৰ তদানন্তন কালৰ ঐতিহাসিক পরিবেশ কিসাদে আছিল।

৩) বর্ন বা রীতিনীতি ও সময়ত ও ও দেশে কিহান আছিল।

যেমন ধরিক খুমেলর গোত্র মদগল্য। মদগল্য ঋষির প্রভাব প্রাচীন ভারতে পাকাল বারো তার পান্ধবতী অঞ্চল। বিষ্ণুপুরাণে আছে মদগল্য রাজর্ষি তার দণ্ডয় জিতরে প্রাচ্যদেশে বেদ ও চারকা দিয়া পেটাইছিল। বেদে মণিপুৰৰ নাওহান প্রাচী। বারো গজেই মাতেছু কাশী কোশলর প্রতাপে উত্তরভারতৰ রাজনৈতিক পরিস্থিতি। গতিকে পাকালেই খুমেল বংশ মণিপুৰে হমাছি বুলিয়া মাতানি পারিয়ার। পাকাল শব্দগতই অপ অংশে কুমল পিছে খুমেল অইতেও পারে।

ওনাদে মৈরাং আত্রেয় গোত্র। আত্রেয় গোত্র ময়ূরম-বা মৌরীয় বংশৰ স্বৰ্জরাজ ৫৫০ খৃষ্টাব্দে মণিপুৰে হমাছে আগেই মাতানি আছে।

অঙ্গদেশীয় ভরদ্বাজ ঋষির প্রভাবাধীন রাজবংশ কাশী কোশলের
প্রতাপে পূর্বদেশে দাবদিয়া মণিপুৰে হমাছিগা। অঙ্গম শব্দগতত্ব
অপভ্রংশে আঙোম।

লুয়াং সম্বন্ধে প্রচলিত প্রবাদহান অইলতায় জুয়াঙর পৈরেতন
(পর্যটন মণিপুৰে হমাছে from Land of death. এ-Land of
death এহান লেন কগতে গোলগা চেইক তার সম্বন্ধে ঐতিহাসিকে
কিহান মাততারা —

রাজকুমার জলজিৎ সিং তার A short History of Manipur
জেরিকহানার ৩৫ পৃষ্ঠা ৭ মাতেছে 'Poireiton did not come to
Manipur with the specific object of seizing the throne.
The idea of occupying it rose only adventurously
when he saw it vacant. He and his followers migr-
ated from place to place in quest of men free from
disease and death and fruits which could
vestow immortally.

গতিকৈ পৈরেতন বা লুয়াং মোক্ষলাভের দেশের অর্থাৎ বৌদ্ধ-
ধর্মর প্রভাবাধীন অঞ্চল তিব্বতেহু আহা'ছ। আরাক মত আহানে
মাতের তাই মূতুর দেশ মানে যমরাজার দেশ। পৈরেতন যমরাজার
খুলা বেয়কগ। দেশ বুলিংগা বুলিয়া মাতল আরো যমরাজার মাতল
তি লুঙ নাকরেহুত হানতে মোর খুলী গৃহিনী উগরে তোরে দিলু।
কারণ গৃহিনী ছাড়া দেব বুলানি নাকরের। মহাভারত পঞ্চ পাণ্ডবর
স্বর্গারোহন পর্ব পাকরলে পেয়ার যুধিষ্ঠির পদব্রজে যমরাজার উপেইত
হিমালয়ে ফৌয়ছিলগা। গতিকে ও যমরাজর রাজ্য উহানেও হিমালয়
গজে তিব্বত বুলিয়া ধরানী যাকরের। যদিও তিব্বতে প্রথম শতাব্দিত
ভারতর রাজনৈতিক বমেজালীয়ে নাপাছিল তথাপি এদল এহানর
মূল উদ্দেশ্যহান বৌদ্ধ ধর্মর প্রচার। বিস্ত পর্বতকালে তানুর
পূর্বানুযায়ী মতে তানুও বিস্তর উপাসকে পরিনত আছিল। বৌদ্ধ-
ধর্ম মণিপুৰর মাটিত খুটি গাড়ে নুযারেছিল।

নিংথোঙা সম্বন্ধে আগেই মাতেছু ৩৩ খৃষ্টাব্দর অকরিয়া এই
বংশর শেষ রাজাগ চরাইরেংবারে (পীতাম্বর) মারিয়া নাগা বংশীয়

পামহৈবা ১৭০৯ খৃষ্টাব্দে নিংথোজার সিংহাসনহান দখল করল। মণি-
পুরে অৰ্ঘ্যবংশীয় মনিপুরী নাগা আগ পয়লা রাজাগ পালইল।

শ্রীএন ইবোঙোহল সিংহর Introduction to Minpur
লেরিক হানার ৬৩ পৃষ্ঠাত মাতেছে '... historians recognised
him as a Naga Raja', গতিকে মণিপুৰে মাত্ৰাতৰ সময়ত
অকরিয়া ১৭০৯ খৃষ্টাব্দ পর্যন্ত মহাদেব, ইন্দ্র, ব্রহ্মা, বিষ্ণু, অগ্নি বরুণ
আদি দেব দেবীৰ পূজা, বৈদিক কৃষ্টি কলাপ চলিয়া আইতে আইতে
চরাইরেংবার সময়ত বৈষ্ণব ধর্মৰ মাধবাচাৰ্য্য সম্প্রদায় ভুক্ত নিংথোজা
রাজাই রাধা কৃষ্ণৰ ভক্তি আরাধনা অকরে হল। তথাপি বিষ্ণুৰ প্ৰভাব
মণিপুৰৰ আৰু আৰু গোপীৰ ভিতৰে প্ৰাধান্য লাভ কৰেছিল।

মণিপুৰ ভেলী অৰ্থাৎ লগতাকৰ চাৰীবাৰাৰ সমতল ভূমিৰ
ভিতৰেই রাজা পাঁচহান সীমাবদ্ধ আছিল যদিও নিংথোজাৰ কাদাত
পাহাড় অঞ্চলৰ বিভিন্ন পাহাড়ী জাতিৰ বাস নিয়াম আছিল।
নিংথোজা বাজ পাখাংৱাৱাংতো অকরিয়া চরাইরেংবা পর্যন্ত প্ৰায়
হাবি রাজাই আশপাশৰ পাহাড়ী গাওঁৰ পাহাড় উতारे পৰাতিত
করিয়া তানুৰ রাজ্যবিস্তাৰ কৰেছিল। বারো ঔ পাহাড়ী জাতিৰ মানুহে
তানুৰ রাজ্যৰ প্ৰজাহংকৰেছিল। তা ছাড়াও আপাৰ বাৰ্মাৰ কৰ্বা
ভেলী বারো আবাকৌ ছরকাং ছরকাং শান (থাই) শাসিত রাজ্যৰ
রাজা উতारे জয় কৰিয়া বহু মানুহ তার রাজ্যত বন্দী হিসাবে আনিয়া
পিছে প্ৰজা হংকৰেছিল। ৭ম শতাব্দিত ব্ৰহ্মদেশৰ আক্ৰমণ কৰও
কৰও মতে চীন মণিপুৰ আক্ৰমণ ১৩শ শতাব্দিত শানজাতিৰ
(থাইজাতিৰ) বিৰাট অংশ আহান ইউনানেত্ৰ অকরিয়া কাঠে
ভেলী পর্যন্ত মঙ্গোলীয়ান সম্ৰাট কুবলাই আৰ ইউনান আক্ৰমণৰ
ফলস্বৰূপ আসামে, মণিপুৰে কোন দল দক্ষিনেদে যিতেগা যিতেগা
থাইল্যাও যৌওছিলগ। এ শান বা থাই জাতীয় মানুহ হাবিৰে
নিংথোজা রাজাই আশ্রয় দিয়া তার প্ৰজা হংকৰেছিল। গতিকে
নিংথোজা রাজ্যত নিংথোজা বা অন্যান্য অৰ্ঘ্যবংশ প্ৰজাত পাহাড়ী
জাতি বা থাইজাতিৰ প্ৰজাই নিয়াম অইলা বারো তানুৰ প্ৰভাব প্ৰতি-

পত্তি বাড়ানি অকরেছিল। ভিতরে ভিতরে ধর্মযুদ্ধ আহানও চলেছিল। রাজার ধর্মবিশ্বাস তার পাহাড়ী বা থাই প্রজাই গ্রহণ না করেছিল। যদিও প্রকাশ্যে কোন বিজ্রোহ নাছিল।

ঠিক এসাদে পরিস্থিতি আহানাত নাগাবংশর পামহৈবা চরাই-
রেংবারে মারিয়া নিংখোজার সিংহাসনহান দখল করেছিল। চরাই-
রেংবার প্রতিপত্তিশালী পরিষদর সাহায্য না পেইলে নাগা শৌ
আগর পক্ষে রাজা আগরে মারিয়া সিংহাসন দখল করানি কোন
অবস্থাতও সম্ভব নাগয়। ইতিহাসর কোন জাগাতও কোন যুদ্ধ
বিগ্রহর কথা লেখা নেই অর্থাৎ রাজার পরিষদর সাহায্যল গোপন
হত্যা করেছে বুলিয়া ধরানি পারিয়ার চরাইরেংবাই মাধবাচার্য্য
সম্প্রদায়র দীক্ষা নিয়া রাধাকৃষ্ণ পূজা অকরানিয়ে তার প্রতাপশালী
পাহাড়ী বা থাই বংশীয় পারিষদে পামহৈবার লগে ছড়যন্ত্রে লিপ্ত
অছিল। আর ও ছড়যন্ত্রই চরাইরেংবার মৃত্যুর কারণহান অইল।

কিন্তু পামহৈবা ছরকাং রাজা আহানর রাজাগ অয়া তা সম্ভষ্ট
থারগ নাগয়। রাজাগ অয়াই অঙোম, লুয়াং রাজ্য দ্বিয়হান দখল
করিয়া তার রাজ্যর ভিতরে বরেইল। খুমেল, মৈরাঙরে কর দেনাত
ধারী করল। অতি অল্পদিনে আস্ত মনিপুরর রাজাগ অয়া বহিল।
মনিপুরর রাজাগ অনার পিছে তার চিন্তাহান অইলতায় হাবি প্রজা
অর্থাৎ আৰ্য্য বংশীয় খুমেল, মৈরাঙ, অঙোম লুয়াং, নিংখোজা বারো
থাইও অন্যান্য পাহাড়ী জাতর মানুরে যেতার ভিতরে আৰ্য্যবংশীয়
সংখ্যাহান অনেক নিয়াম অনিয়ে পূর্বাপর ওচনিত ধর্ম উতা বেলেয়া
নুয়া ধর্ম আহান দ্বিতার ভিতরে চালাপারলে হাবি প্রজারে এক
সুত্র গাথে পারতো নিংকরিয়া রামাউতী ধর্মর শাস্তদাস অধিকারীরে
সিলেটেত্র আনোয়েইল। নাগা বংশীয়গ অন্য ধর্ম সম্বন্ধে তার
কোন স্পষ্ট ধারণা নাথানিয়ে অর্থৎ কারে বিষ্ণু সম্প্রদায়, কারে মাধ-
বাচার্য্য সম্প্রদায়, কারে রামাউতী সম্প্রদায় বারে। উতার পার্থক্যহান
কিতা হার নাপানিয়ে তা নিংকরেছিলতায় রামাউতী ধর্মহান সহজে
হাবিহানে গ্রহণ করতায়। বারো প্রজার ভিতরে হাবিহানরে একই
সম্প্রদায় করে পারতে। থাই জাতির পারিষদ উতার নিংকরলাতায়

যেহেতু আমার কথায় পামহৈবা চলের উহান অইলে হাবি প্রজার ভিতরে আমার প্রতিপত্তিহানেই পড়তয়। গতিকে এ ধর্ম এহান গ্রহণ করলে আৰ্য্য বংশীয় প্রজা উদ্ধাৰাংতো মৈতৈর প্রভাবহান বাড়তয়। উহান অইলে মণিপুৰে প্রকৃতপক্ষে তানুই সৰ্বেসৰ্বা অইতায়। এহান নিংকরিয়া শাস্তদাস বাবাজীয়ে যেবাকা নোংখাং ইরোকপা করিয়া দীক্ষা নেনার কথা মাতলো উপেইত যত শান বা থাই বা মৈতাই বা মৈতৈয়ে নোংখাং ইরোকপা করিয়া অর্থাৎ মূৰ খুৰেইয়া নোংখাও নদী উহানাত হিনেয়া দীক্ষা নিলাগা।

ধর্মবিৰোধ : রামউতী ধর্ম প্রচাৰে কেন্দ্র করিয়া মণিপুৰে ধর্মবিৰোধ আহানর সৃষ্টি অইল। পামহৈবার আদেশে মৈতৈ হাবি যেবাকা শাস্তদাস বাবাজীরাং দীক্ষা নিলাগা উপেইত মাধব চাৰ্য্য সম্প্রদায়র বমুন বাদে আৰিবাম তম্পক লাইলাতফাম বামুনউতা ডরপেয়া চূপ করিয়া থাইলা কিন্তু প্রাচীন বিষ্ণু পূজারী বমুন অথাৎ অভিৰাম বিষ্ণুৰাতফাম বমুন লোৰেঙ্গা থাংনাঙযাবা আপতি জানাছিল শ্রীএল ইবোডোহল সিং তার Introduction to Manipur হেটিকহানর ৩২ পৃষ্ঠাত মাতেছে ‘In 1713 Garibnawas’ changed the faith from Madhavacharya to Ramandi, to this the Brahmins who were the priests of the Madhavacharya opposed, but they had no courage enough to do it openly. But the priest of the vedic religion (Vishnu sect) named Louremba khoughang thaba who had large followers opposed vehemently saying among other things that the newly introduced faith was nothing but the existing one” মৈতৈয়ে নোংখাও ইরোকপা করিয়া শাস্তদাসরাং দীক্ষা নিলাগাও পঞ্চ বিষ্ণুপ্রিয়া অর্থাৎ খুমেল, নৈরাং আঙেম-লুয়াং, বারো নিংখোজাই দীক্ষা নেনা নাকরেছিল। প্রাগ ঐতিহাসিক যুগেই যে বিষ্ণু মণিপুৰর মানুৰ ধর্মর গভীর বিশ্বাসর আসনহানাত প্রতিষ্ঠিত যেই বিষ্ণু চরাইরেংবর মাধবাচাৰ্য্য সম্প্রদায় বাবা কুঞ্চর বিশ্বাসেরও পরিবর্তিত নাছিল। তানু রাম ভজনর রামাউতী ধর্মত দীক্ষা নিতেগা প্রবল আপত্তি করতাই উহান স্বাভাবিকহান ভারতবর্ষর ইতিহাসেও বহু সাক্ষী

প্ৰমাণ থা গেছেগা যে মানুহৰ ধৰ্মবিশ্বাসৰ গজে ৰাজকীয় ক্ষমতা ব্যবহার
কৰিয়াও ধৰ্ম বিশ্বাসৰ স্বৰূপহান পুৰাপুৰি পৰিবৰ্তন কোন ৰাজা বা
বাদশায়ও কৰে নুযাৰেছি। তবে তার ফল উহান জাতৰ পক্ষে,
সমাজৰ পক্ষে প্ৰচুৰ ক্ষতিসাধন সবসময়ই করেছে। মণিপুৰৰ
ইতিহাসৰ পুৰোপুৰি পৰিবৰ্তনৰ সূচনা এ ৰামাউতী ধৰ্মই কৰেদেছে।

বিষ্ণুতে বিশ্বাসী বিষ্ণু ভক্ত খুমেল, মৈৰাং, আঙোম, লুয়াং
বাৰো নিংখোজা অৰ্থাৎ পাহাড়ী ও মৈতৈ বাদে মণিপুৰী হাবিয়ে
যেবাকা নোংখাঙইরোকপা কৰিয়া দীক্ষা নিতেগা আপত্তি কৰলা
ওপহিত শাস্তদা বাবাজী বাৰো প.মহৈবায় কাহ্নি য়ৌয়য়া মণিপুৰৰ
অতদিনৰ যত লিখিত দলিল, ঐতিহাসিক তথ্য, সাহিত্য, ধৰ্মগ্ৰন্থ,
পুৰান জামইয়া ছিলাগাদিলা। মণিপুৰৰ মূল ইতিহাস, ভাষা,
অক্ষৰ ঐতিহাসিক চিহ্ন হাবি মাঙ কৰিয়া মণিপুৰীৰ ঐতিহ্য ধ্বংস
কৰেদিলা। W yamgao snigh এ তার An Early
History of Manipur লেখিকহানৰ ১২৩ পৃষ্ঠাত মাতেছে
“ this reformer collected all the existing books of the
land and burnt them down” শ্ৰীএল. ইবোঙোহল সিং তার
Introduction to Manipur লেখিকহানৰ ৩২ পৃষ্ঠাত মাতেছে
“ so king Garibnawaj was very much offended, He
punished his subjects by burning their religious books
in the manuscripts and prohibiting singing songs in
the vernacular etc. and ordering them to sing songs
in Bengali in to a curse.” শ্ৰীএল. ইবোঙোহল সিং তার এ
লেখিকহান ৫১ পৃষ্ঠাত বাৰো মাতেছে “ Shanti Das instigated
the king to burn all the manuscripts in the palace
written in Manipuri scripts All the manuscripts
in palace Library were ordered to be burnt. So all
the manuscripts were piled up and busnt by Shanta
Das himself ‘hantaDas burnt the cheithoral Skumbaba’”
(মণিপুৰৰ ইতিহাসৰ Authentic ৰেকৰ্ডহান বুলিয়া বৰ্তমানে স্বীকৃত
লেখিকহান) গতিকে মণিপুৰী অক্ষৰে মণিপুৰী ভাষাল লেখা পৌরা-

নিক ধর্মগ্রন্থ, ইতিহাস, পুরান প্রায় হাবিতাত শাস্ত্রদাসর আভেহ
জিঙতা নাইল যদি অতি অল্প সংখ্যক লেরিক মানুয়ে লুকেয়া থয়া
জিঙতা করেছি বুলিয়া কোন কোন ঐতিহাসকে উল্লেখ করেছি।
পাথরর গজে মণিপুরী ভাষাল মণিপুরী অক্ষরর লেখা অনেক Inscr-
iption মাটির তলে গাড়িয়া থইলা বারো প্রচার করলা এতা যদি
কোনগয় লিকালতারা তবে তানুরে সংঘাতিক দণ্ড দেনা অইতয়।
পরবর্তীকালেও প্রচার করলা যে উতা মাটির তলেহ লিকাললে
রাজাগর আয়ুকয় অইতয়। গতিকে রাজাদেশে কোন মানুয়ে
উতা বিহায়েইল চেষ্টাও নাকরলা। w. yamjao singh এ তার An
Early History of Manipur ১৩৭পৃষ্ঠাতমাতেছে যে 'There are some
manuscripts as well as tradition in which it is stated
that at the differnt places various manuscripts and
things of on archaeological importance are burried
under ground Maharajas were very caut-
ious before granting any permission to look for such
under ground antiquarian (ANTIQUARIAN) things
and to unearth them. It has been a general belief
that such an act would either shorten their longibity
or reign" এসাদে করিয়া শাস্ত্রদাস পামহৈবার সাহায্যে মণিপুরীর
প্রাচীন ইতিহাস ধর্ম, কৃষ্টি ভাষা সভ্যতার নিদর্শন হাবি নিশ্চিহ্ন
করিয়া বাংলা ভাষা, বাংলাসাহিত্য, বাংলাধর্মগ্রন্থ, বাংলা এলা,
বাংলার কৃষ্টি মণিপুরে মণিপুরী কৃষ্টি বুলিয়া চালানির পথগর সূচনা
করেদেছিল

বিষ্ণুর সম্প্রদায় আধ্যাবংশীয় (পঞ্চ বিষ্ণুপ্রিয়ার) মণিপুরীর গজে
অসংখ্য অভ্যচার আছিল। মণিপুরী ভাষাল এলা দেনা নিষেধ,
মণিপুরী ভাষাল কথা টটরানি নিষেধ। রাজভাষা মৈতৈয়ে কাপদিল
মণিপুরহান, বাংলা পদাবলী কাপদিল মণিপুরী কৃষ্টিহান, প্রকাশ্যে
মণিপুরী ভাষা টটরলে জরিমানা। এতা ছাড়াও ব্রাহ্মণরাজআদেশে বন্ধ
অইল। কোন ব্রাহ্মণ পঞ্চ বিষ্ণুপ্রিয়ারে যজ্ঞানি নিষেধ থাইল।
কর্মকাছা, শ্রাদ্ধ, বারো অন্যান্য ধর্মীয় পূজাপার্বন বন্ধ অয়া থাইল।
পঞ্চ বিষ্ণুপ্রিয়ার নিংথোজার শেষ রাজাগ চরাইরেংবার পিছে ও বংশর

কোন বংশধর বা খুমেল, মৈরাং হাডোম লুয়াঙর কোন রাজাই
 বিদ্রোহ করানির সাহস না করল। রাজাদেশে সামাজিক পতন
 এহান স্বীকার করানী ছাড়া তানুর কোন গতি নেই বুলিয়া চূপ
 করিয়া থাইল। ঔসায়ত্ব পুরি অনেক মানু মণিপুর বেলেয়া
 কাছাড়ে হমানি অকরল। মণিপুরীয়ে দাবদিল মৈতৈয়ে লাম
 লইল। গরীব নওয়াজ ৩৮ বৎসর রাজত্ব করল। তার পিছে ১৭৪৮
 খৃষ্টাব্দে চিত শাই রাজা অইল। ১৭৭২ খৃষ্টাব্দে ভরত শাই, ১৭৭৩
 খৃষ্টাব্দে গৌরশাই, ১৭৫৯ খৃষ্টাব্দে জয়সিংহ অধীং ভাগ্যচন্দ্র মণিপুরর
 সিংহাসনহানাত বহিল।

মণিপুরর ধর্মবিশ্বাস ক্ষেত্রে ৩য় ৫০ বৎসর আহান অনিশ্চয়তার
 ভিতরেদে চলিয়া গেছিল। যদিও মণিপুরর প্রাচীনকালর মণিপুরী
 ইতিহাস প্রায় বৎসর পর্যন্ত চলিল। যেবালা লিসিং লিসিং মানু
 বামুনর অভাবে ক্রিয়াকর্ম না করিয়া পূজা পার্বন না করিয়া পতিত
 অয়া পড়িয়া থাইল উহান দেখিয়া মহারাজ ভাগ্যচন্দ্র মণিপুরর এ
 ধর্মবিরোধ চিত্তে বন্ধ করানির উদ্দেশ্যে হাবির লগে আলোচনা
 করিয়া গোড়ীয় বৈষ্ণব ধর্মর নরোত্তম পরিবারর গঙ্গাচরন চক্রবর্তীয়ে
 নবদ্বীপেত্র আনিয়া হাবি মানুরে বিষ্ণুপ্রিয়া বারো মৈতৈয়ে গোড়ীয়
 বৈষ্ণবধর্মে দীক্ষা দেওয়েইল হাবিহানে তারো অয়াই গ্রহণ করল।
 এ দীক্ষার পিছেও বামুনে কিন্তু পঞ্চ বিষ্ণুপ্রিয়ায়ে যজানি না করল।
 কারণ এতা পতিত জাহান, হানতে তানুরে যে বামুনগয় যজেইতয়
 উগু পতিত অইতয়। মহারাজ ভাগ্যচন্দ্রর ইচ্ছা অইল তায় বামুনে
 যজানি অকরল। বিষ্ণুরাত ফামর বামুন আগেই পামহৈবার সমা
 রজার কুদৃষ্টিত পেছিলাত। তানু বিষ্ণুপূজার ভিতরেই নিজের
 সীমাবদ্ধ থইল। রাজাইও বামুনর অনিচ্ছার বিরুদ্ধে কোনো মনোভা
 বাব না নিয়া সহজে সমস্তার সমাধানর পথগ ইলল। বামুনরে
 আকরানি অকরল যে কোনগয় পতিত অয়া আছি পঞ্চ বিষ্ণুপ্রিয়ায়ে
 যজেইতে রাজী আছি কিনা। অনেক বামুনেই অনিচ্ছা প্রকাশ
 করল। একমাত্র হানজাবাম গোষ্ঠীর সর্বানন্দ ঠাকুরর পাঁচগ জিপুতর
 ভিতরে হাবির খুলা পুতক নিমাইচন্দ ঠাকুর রাজী অইল। রাজাই
 তারে পঞ্চ বিষ্ণুপ্রিয়ায়ে যজানির আদেশ দিল। এগদে প্রায় ৫০

বৎসর বামুন ছাড়া আছি পঞ্চবিধুপ্রিয়া নিমাই চাঁন্দ ঠাকুরের পেয়া
 দ্বৈগ পেইলা পারা। উৎসাহে অনন্দে নানা কীর্তনাদির ভিতরেদে
 নিমাইচাঁন্দ ঠাকুরের কুরুফামহান হিসাবে বরিয়া তারে গদীশ্বর
উপাধি দিলা। এহানাত হানজাবাম সম্বন্ধে খানি না মাতলে
 বোধহয় অসম্পূর্ণ থাইতয়। এ গোষ্ঠী এহান ঔ সময়ত মণিপুরে
 নিয়াম পুরানা নাছি। মণিপুরর পুণানা বামুনর সাদে অতি গোড়া-
 মীয়ে তানুরে না পাছে। এ বংশর প্রথম পুরুষ সর্বানন্দ ঠাকুর পাম-
 হৈবার সময়ইত মণিপুরে হমাছে বারো যে কোন ভাবেও অক রাজার
 কৃপা পাছে। তা রাজার রাজপুরোহিতগ নিযুক্ত আছিল। মাধবা-
চার্য সম্প্রদায়র রাজপুরোহিত যেতা চরাইরেংবার সময় আছিল।
উতা পামহৈবার সময় বাতিল অইলা বারো নুয়া আহিল সর্বানন্দই
রাজানুগ্রহ আছিল।

মহারাজ ভাগাচন্দ্র যদিও ধর্মর ক্ষেত্রে হাবিরে এক কবে পারে-
 ছিল তথাপি মণিপুরর লুপ্ত ইতিহাস লুপ্ত ভাষা, লুপ্ত অক্ষর উদ্ধার
 করে নুয়ারল। পামহৈবার সময়ত যে 'পুরান' মণিপুরী ভাষাহান বদল
 করিয়া মৈতৈ ভাষাই প্রাধান্য পেইল ভাগাচন্দ্র মহারাজেও উহানর
 গজে নুয়া করে অতি দবাব হয় তা সতস না করল। ববঞ্চ নবদীপর
প্রভাব বাংলা পদাবলীর প্রবল হাওয়া আহান মণিপুরে বহানিত
সাহায্য করল।

মহাবাজ ভাগাচন্দ্র যদিও বাংলা পদাবলীর উৎসাদিল তথাপি
 এ পদাবলীর সুব কীর্তনর সুবর সাদে না করিয়া মূল মণিপুরী সুরে
 গানার ব্যাস্থা কবল। মূল মণিপুরী সুর ওংগা বেদমন্ত্র উচ্চারণ
 সুরগর লগে সমঞ্জস আছে। তবে পৌরানিক কালর সুরগ বর্তমানর
 দেবমন্ত্র উচ্চারণর সুরগর লগে পার্থক্য থাইতেও পারে। উহান
 পণ্ডিতর বিচার্যহান।

কৃষ্টির ক্ষেত্রেও উহান। বৈষ্ণবীয় কৃষ্টির লীলা গ্রহণ করিয়া
 মণিপুরী কৃষ্টির নাছাল মহারাজ ভাগাচন্দ্র রাসলীলাহান প্রবর্তন
 করল। যে রাসহানার প্রতি ভঙ্গীহানাত ব্রজর রাধা কৃষ্ণ গোপীগণর
 জীবন্তরূপ আহান দিল।

ঢাকর পুংলেল, ঢাকর চলন, হাবিতাত পৌরানিক মণিপুরীর

কৃষ্টিহান। রাগ এগ বৈদিক রাগ। চলন বৈষ্ণবীয় নাগয় দেখলে মনে অর মহাদেবর তাওবন্য। উহানে মণিপুৰী ঢাকর পুংলেচ চলনৰে বৈষ্ণবীয় পদাবলীৰ লগে মিল খোয়েইয়া হংকৰেদেছে মহাৰাজ ভাগ্যচন্দ্র। ভাষা, অক্ষর আগেই মাতানি আছে ধৰ্মবিশ্বাস, কৃষ্টি ভাষা আহানে আহানৰ পৰিপূৰক, সুতৰাং ধৰ্মবিশ্বাস যদি বৈদিক অর তা অইলে কৃষ্টি বারো ভাষাও বৈদিক অইতে বাধ্য। বারো ভাষা যদি বৈদিক অর উহান অইলে অক্ষরও বৈদিক অইতে বাধ্য। কিয়া বুললে প্রাগ ঐতিহাসিক যুগে মহাভারতৰ আমলেত্ব অকরিয়া খৃষ্টীয় ১ম শতাব্দি পর্যন্ত পঞ্চ বিষ্ণুপ্রিয়াই মণিপুৰী নাঙল মণিপুৰে রাজত্ব স্থাপন কৰেছিল, এহান, ঐতিহাসিক সত্যহান। পৌৰাণিক যুগ উহানাত বিভিন্ন ভাষা, বিভিন্ন অক্ষরও ভারতে সৃষ্টি নাছিল। বিভিন্ন ভাষা, বিভিন্ন অক্ষর আহিলতায় অনেক পিছে। গতিকে ঐ যুগে যদি লেৰিক, ইকরিয়া খাইতারা তবে ঐ লেৰিকর অক্ষরও বৈদিক অক্ষর অৰ্থাৎ দেবনাগরী (old form) Dr. M. kirti singh তার Religious Development in Mampur in 18th and 19th Century লেৰিকহানৰ ২৫ পৃষ্ঠাত মাতেছে 'It was 33 AD that written language really began among the clan of Manipur Specially among the Luwangs, Angoms, Khumels and the Moirangs.' খুমেস, মৈৰাং আঙে ম, লোয়াঙর রাজ্যও ৩৩ খৃষ্টাব্দে যে লিখিত ভাষাৰ উল্লেখ কৰেছে উতা বৈদিক ভাষা বারো তার অক্ষরও বৈদিক। তাইলে ঐ বৈদিক ভাষা উহান কোংহান এ প্রশ্ন এহান মনহানত অইতে বাধ্য। সংস্কৃত ভাষাৰ নাও বৈদিক ভাষা। পুরাতন বৈদিক ভাষাৰে স স্কার কৰিয়া পরবর্তীকালে যে ভাষা আহান চলিল উহান সংস্কৃত। ঐ সংস্কৃত ভাষাৰ লগে স্থানীয় ভাষাৰ সংমিশ্রণে তারও কয়েক শত বৎসর পিছে সৃষ্টি অছিল পালি। আগদে যেমন পণ্ডিত গিরিগিথানীরাং সংস্কৃত ভাষাহান লেখ্য হিসাবে চলেছিল, অরাক আগদে গাওঘৰেদে কথ্য ভাষা আহানও পাশাপাশি চলেছিল। উহানৰে মাতলাতায় প্রাকৃত ভাষা। ঐ প্রাকৃত ভাষা খৃষ্টীয় ৭ম শতাব্দিতে কত ভাগে ভাগ করানি অইল। যেমন নৌর, সনৌ, মাগধী এতা এতা। ভারতবর্ষৰ

ভাষার সংক্ষিপ্ত ইতিহাস হান এহান তা অইলে মনিপুৰে আহেছি আৰ্য-
 বংশৰ কালহান যদি মহাভাৰতৰ যুগেত্ৰ অকৰিয়া খৃষ্টীয় ১ম শতাব্দী
 ভিতৰ এগত ধৰিয়াৰ উহান অইলে তানু যে ভাষাল মনিপুৰে আহেছি
 ঐ ভাষা উহান প্রাকৃত ভাষাহান। সৌৰশেনী, মাগধীৰ সৃষ্টি তারও
 প্রায় ৭০০ বছৰ পিছে। তাইলে আমার সমাজে দল আহানে সৌর-
 শেনী, দল আহানে মাগধী বুলতাৰা কথা উহানৰ কোন ভিত্তি নেই।
 ঐ প্রাকৃত ভাষা উহান ঠেঙাৰায় বেড় দেছে মনিপুৰ উপত্যকাত তার
 মূল গঠন (original form) উহানল থাইতে থাইতে খৃষ্টীয় তেরশ
 শতাব্দিতহ বাহিৰৰ প্রভাব প্রচুৰ ভাবে পড়ানিয়ে কোনগয় এহানৰে
 মাগধী, কোনগয় এ প্রভাব এহানৰে অঙ্কীকার কৰিয়া মূল প্রাকৃতৰ চিহ্ন
 উহানিৰে অবলম্বন কৰিয়া সৌরশেনী বুলিয়া অহেতুক দরবার আহান
 সৃষ্টি কৰেছি। এহান মূলতঃ গবেষণার বিষয়হান। মিও মোর সূত্র
 আগ দিনু গবেষণারকা। যেতাও অক এহানতে মূল সিদ্ধান্তহান যে
 মনিপুৰৰ মূল ভাষাহান আৰ্যভাষা বা বৈদিক ভাষাহান আর ঐ ভাষা
 উহানেই পিছে পিছে পারিপার্শ্বিক প্রভাবল চরাইরেংবার কাল পর্যন্ত
 চলেছিল বাবে পামইংবার সময় এ ভাষা এহানৰ পতন অছিল। এ
 বৈদিক ভাষা এহানেই বৰ্তমানৰ বিষ্ণুপ্রিয়া মনিপুৰী ভাষাহান। ভাষা-
 হান থাইলে যেমাদে অক্ষর খাৰ উমাদে ঐ বৈদিক ভাষাহানৰ অক্ষরও
 বৈদিক অৰ্থাৎ দেবনাগরী আছিল। R. K. Jaljit Singh এ তার
 A Short Histry of Manipur লৰিকহানৰ ২৮ পৃষ্ঠাত মােছে
 যে "Most of it (Early literature) are written in
 Manipuri Alphabet in Archaic Manipuri There is a
 Specimen of this Alphabet in the report on the
 Linguistic Survey of India Vol III Part III Page 22
 the Specimen is written in a bad hand. The
 Manipuri Alphabet looks different fom the Burmese,
 the Chinese, the Japanese and the Arabic Alphabet.
 From General appearance it is difficult to perceive
 the affinity of the Manipuri Alphabet with Devnagri
 But if we enter into the Scheme of Pronounciation,

at once it becomes apparent that the Manipuri Alphabet is much akin to Devanagari" শ্রীএন ইবোডোহল সিং তার Introduction to Manipur লেখিকহানর ৫৯ পৃষ্ঠাত মাতেছে যে "A modification of the Indian (Sanskrit) alphabet was very early adopted for Manipuri" ফুটনোটে মাতেছে "The First twenty five as Sanskrit, then one letter as A and then as Sanskrit alphabet." কিন্তু মণিপুরর এ প্রাচীন বৈদিক ভাষা, বৈদিক ধর্ম বৈদিক কৃষ্টি বারো বৈদিক অক্ষর পাম হৈবার সময়ত পুরি পরিবর্তন অয়া মূল মণিপুরীর পতন আরম্ভ অছিল। এ পতন এহান সম্পূর্ণ অইলতায় অরার (Awa) তালে। Captain Dun তার Gazetteer of Manipur লেখিকহানাত মাতেছে যে "... .. These later Missoneries from Bengal, (শান্তদাস বারো অন্ত ব মুন) for their own purpose, distorted the history of Manipur The Burmese invasion put the finishing touch and Killed off the old tradition." R, K. Jaljit Singh তার A Short Histey of Manipur লেখিকহানর ১৮৬ পৃষ্ঠাত মাতেছে Ater an unsuccessful fight against the burmese, Marjit fled to Cachar in 1819, The Burmese force overan Manipur. This was the begining of the devastation of Manipur by the Burmese Known in the history of Manipur as the Seven years devastati n Began in 1819, it Cause to an end in February 182০" হাজার হাজার মণিপুরী এ কাল এহানাত মণিপুরেত দাবদিয়া কাছাড়ে, শ্রীহটে ত্রিপুরাত আইলা।

বৈদিক ধর্ম, বৈদিক ভাষা, বৈদিক কৃষ্টি নিয়া যে যে আধ্যাত্মী অতি প্রাচীনকালে মণিপুরে গিয়া স্থানীয় গুরুব তানুর ভিতরে সম্পূর্ণ ভাবে কল করিয়া হাজার হাজার বছর জুড়িয়া বাস করিয়া অছিল। তানু মাত্র ১৭০৯ খৃষ্টাব্দত অকরিয়া ১৮২৬ খৃষ্টাব্দর ভিতরে মণিপুরেত চিরকালরকা বিদায় লইলা। বারো যে পাহাড়ী বারো মৈতৈ গোষ্ঠীয়ে


খৃষ্টীয় ১৩শ শতাব্দীর মধ্যভাগেই মণিপুরে হমানি অকরেছিল। বারো আৰ্য্য-
 ১। রাজ বংশ নিংথোজাই আশ্রয় দেছিল, তানু মণিপুরর ভুল মানু অয়া
 ঠৈনা ইতিহাসর পট পরিবর্তন অইল। আৰ্য্যগোষ্ঠী উহানি নিজর মণিপুরী
 পরিচয় উহানেই পুরি বিকুর ভক্ত বিষ্ণুপ্রিয়া এহানাদে নিয়াম কাতিরা
 অনার সুযোগ নিয়া মৈতৈয়ে মণিপুরী বুলানি অকরলা বারো মণিপুরী
 উতায় মণিপুরী পরিচয় হান জিংতা করিয়া থনার উদ্দেশ্যে বিষ্ণুপ্রিয়া
 মণিপুরী বুললা এহান খৃষ্টীয় ১৮শ শতাব্দিত পামহৈবার সময়ত আরম্ভ
 আছে হান। মৈতৈয় যেতা মণিপুরী সাত গোষ্ঠীর ভিতরে নেই উতাও
 শান্তদাস বাবাজীরাং দীক্ষা নেনায় শান্তদাস বাবাজী তার শিষ্য হিসাবে
 তার নিঙের গোত্র শাঙিল্য তানুরে দেছিল। নিংথোজা গোষ্ঠীর
 গোত্রগত শাঙিল্য বারো মৈতৈত শাঙিল্য অনায় মৈতৈয়ে নিজরে
 নিংথোজা বুলিয়া দাবী করতারা। রামাউতী ধর্মত দীক্ষা নিয়া শাঙিল্য
গোত্র ভুক্ত অনার পিছেই তানুও মণিপুরী হিসাবে স্বীকৃতি পেইলা।
 পিছে পিছে মহারাজা ভাগ্যচন্দ্রর সময়ত হাবিহানে নরোত্তম পরিবারর
 গঙ্গাচরণ চক্রবর্তীরাং দীক্ষা নিয়া মণিপুরী দ্বিভাগে বিভক্ত অইলা
 (১) মৈতৈ মণিপুরী (২) বিষ্ণুপ্রিয়া মণিপুরী অর্থাৎ মৈতৈ বারো
 বিষ্ণুপ্রিয় দ্বিতীয় মণিপুরী। কিন্তু রাজ ভাষাহান মৈতৈ উহানেই
 থা থানার কারণে রাজানুগ্রহ অথবা রাজকর্ম করানির প্রয়োজনে
 হাবিহানেও মৈতৈ ভাষা হিকেছিল। উহানে মণিপুর রাজ্য হানাত
 মৈতৈ ভাষা উহানে প্রাধান্য লাভ করেছিল।

সামাজিক দিকেই মৈতৈ বিষ্ণুপ্রিয়া দ্বিতীয় মণিপুরী এ ভাব
 এহান বহুদিন থানার পিছে ১৯৩২ ইংরেজিত ব্রিটিশ সরকারে মণিপুরী
 হাবি পার্বত্য উপজাতি বুলিয়া ঘোষণা করেছিল উপেইত আসামর
 মণিপুরী এসোসিয়েশনর সভাপতি কাটাখালর ৩২ম চন্দ্রজিত রাজকুমার
 চিংকরিয়া ব্রিটিশ সরকাররাং এসোসিয়েশনর পক্ষত বিভিন্ন ঐতিহাসিক
 নজির তুলিয়া মণিপুরী আৰ্য্যজাতি বুলিয়া আপত্তি জানাছিল। উপেইত
 ব্রিটিশ সরকারে তার ঘোষণা উহান পরিবর্তন করিয়া আৰ্য্যজাতির
 বংশধর হিসাবে বর্ণহিন্দু বুলিয়া পুনরায় ঘোষণা করেছিল। ব্রিটিশ
 সরকারর আদেশ উহান মণিপুরর গজে প্রযোজ্য নাইলেও পার্বত্য
 জাতি বুলিয়া ঘোষণা উহান মণিপুরর মহারাজ চুয়াচান্দ সিংহ অসন্তুষ্ট
 আছিল বারো পিছে ঘোষণা উহান পরিবর্তন করিয়া আৰ্য্যজাতির
 বংশধর হিসাবে বর্ণহিন্দু ঘোষণায় মহারাজাই মণিপুরী এসোসিয়েশনর

ধন্যবাদ জানেয়া ৩৬মচন্দ্রজিত রাজকুমাররাং চিঠি ইকরেছিল। এ সময়ত দুস্কৃতকারীর আতে মাছুঘাটর রাজবাবু নিহত অছিল।

কিন্তু বর্তমানকালর চিত্রগ বিপরীত মণিপুর তথা কাছাড়, ত্রিপুরা বারো বাংলাদেশে যেতায় মৈতৈই বুলিয়া পরিচয় দিতারা তানুর শতকরা ৭৫ ভাগই মূলতঃ পঞ্চ বিষ্ণুপ্রিয়াস খুমেল, মৈরাং, আঙোম, লুয়াং বারো নিংখোজা গোষ্ঠীর মানু। তানুর লকেই, গোত্রল পরিচয় দিতে মৈতৈ বুলিয়া মাততারা। তানু মৈতৈ ভাষা টেটরানির সুবাদে নিজরে মৈতৈ পরিচয় দিতে দিতে এবাকা মৈতৈ উহানও বেলেয়া মণিপুরী বুলানি অকরলা। মণিপুরী আৰ্য্যজাতি হানতে ভাষাহানও আৰ্য্য ভাষাহান অইতে বাধ্য কথা উহান পাহুরিয়া তিব্বতী বার্মা ভাষা আহানরে নিজর ভাষাহান বুলিয়া ভাষা উহানর মূল মৈতৈ নাও উহান মৃত করিয়া মণিপুরী ভাষা বুলিয়া চালানির সর্বপ্রকার চেষ্টার ক্রটি নাকরলা। এগদে মূল মৈতৈয়ে দেখলা যে তানুর ভাষাহান আৰ্য্য-জাতি মণিপুরীয়ে কাড়লয়া মণিপুরী নাও চালানির চেষ্টা করতারা বারো আরাক আগদে আৰ্য্যজাতি মণিপুরী যে অংশ হানে তানুর মূল আৰ্য্য ভাষা হান জিংতা করিয়া থাছি তানুও তানুর ভাষার স্বীকৃতিরকা আপ্রাণ চেষ্টা করতারা। এরে পরিস্থিতিত যে বাকা আৰ্য্যজাতি মণিপুরীয়ে মৈতৈ ভাষাহানরে মণিপুরী ভাষা নাও ভারতর সংবিধানর অষ্টম তপশীলে অন্তর্ভুক্ত করানির দাবীল দিল্লী যৌয়ইলাগা উপেইত মণিপুরে মৈতৈও তানুর ভাষার অস্তিত্ব রক্ষারকা অষ্টম তপশীলে মণিপুরী না বুলিয়া মৈতৈ বুলানির দাবী তুললাগা।

ধর্মবিরোধে অকরিয়া ভাষাবিরোধর যে পরিস্থিতি আহান মণিপুরী জাতর মা গত ৩০ বছরর ভিতরে আছিল এহান মণিপুরী জাতরে ক্রমশঃ ধ্বংসর পবগ ইলকরেছিল। পঞ্চ বিষ্ণুপ্রিয়াস মৈতৈ ভাষী দল উহানে বিষ্ণুপ্রিয়া মণিপুরী ভাষী দল উহানরে মণিপুরী নাগয় বুলিয়া প্রতিপন্ন করানির প্রাণপন চেষ্টা চালাছি। মৈতৈয় দলহানও তানুর ভাষা পঞ্চ বিষ্ণুপ্রিয়াস মৈতৈ ভাষী দল উহানে কাড়লয়া মণিপুরী বুলিয়া চালানির চেষ্টা উহানাত্ত রক্ষা করানির চেষ্টা চালাছি। বিষ্ণুপ্রিয়া মূল আৰ্য্য ভাষী বিষ্ণুপ্রিয়া মণিপুরীয়ে ভাষাহানর রক্ষার প্রাণপন চেষ্টা চালাছি। এ বিরোধ এহানর শেষ ফলাফল অবিস্মৃতর ইতিহাসে মাততয়।



553795